


on 23 July 2014

PPU UNIMAS bantu mangsa kebakaran



Kota Samarahan, Selasa - Persatuan Pengurus UNIMAS (PPU) telah melancarkan PPU Disaster Relief Fund yang bertujuan mengutip dana bagi membantu mangsa kebakaran di Kampung Tabuan Haji Drahman, Jalan Foochow.

Tabung tersebut telah diwujudkan pada 9 Mei lepas dengan kutipan dana dibuat di kalangan warga UNIMAs.

Tujuan tabung ini adalah untuk membantu meringankan beban yang ditanggung oleh mangsa khususnya kepada dua orang adik beradik yang telah kehilangan ibu dan dua adik mereka dalam kebakaran tersebut.

PPU berharap melalui aktiviti tanggungjawab sosial seperti ini dan bantuan yang disalurkan, ianya dapat membantu dan meringankan beban mangsa yang dilanda musibah.

Ia juga sebagai keprihatinan warga UNIMAS untuk menyalurkan bantuan yang sewajarnya supaya mangsa tidak rasa terabai dengan perhatian masyarakat lain.

Dalam kejadian yang berlaku pada 7 Mei lepas, sebanyak sembilan buah rumah di Kampung Tabuan Haji Drahmn turut musnah di dalam kebakaran tersebut.

Paling menyedihkan, kebakaran tersebut meragut nyawa seorang ibu bersama-sama dua orang anak mereka yang dikenal pasti sebagai Anisa Ramblee, 26, Nur Diana Azmi, 5 an adiknya Nur Syaza, 3. Kutipan wang berkenaan telah diserahkan kepada aduk Nur Ain Mohd Hazmi, 8 dan Nur Alieya Mohd Hazmi, 7, iaitu anak kepada Allahyarhamah Anisa Ramblee pada 18 Julai 2014 bertempat di Demak Laut.

Sumber: Utusan Sarawak